



**Evaluation Only. Created with Aspose.Words. Copyright 2003-2011 Aspose Pty Ltd.**

## ERINDISBRÉF SKIPULAGS- OG UMFERÐARNEFNDAR

### I. Kafli Umboð og hlutverk

#### 1. gr.

Skipulags- og umferðarnefnd Rangárþings ytra er skipuð af sveitarstjórn Rangárþings ytra og fer hún í umboði sveitarstjórnarinnar með málefni skipulags- og umferðarmála í Rangárþingi ytra eins og nánar er kveðið á um í erindisbréfi þessu. Skipulags- og umferðarnefnd er skipuð skv. 6. gr. skipulagslaga nr. 123/2010, 7 gr. laga um mannvirki nr. 160/2010 og sbr. heimild í 2. mgr. 116 gr. umferðarlaga nr. 50/1987. Nefndin starfar í samræmi við staðfestar samþykktir sveitarfélagsins Rangárþings ytra.

#### 2. gr.

Skipulags- og umferðarnefnd Rangárþings ytra er skipuð fimm fulltrúum og jafn mörgum til vara. Kjörtímabil fulltrúa miðast að jafnaði við kosningar til sveitarstjórnar nema sveitarstjórnin ákveði annað. Að jafnaði kýs sveitarstjórnin formann nefndarinnar og á fyrsta fundi nefndarinnar fer fram kjör varaformanns.

#### 3. gr.

Hlutverk nefndarinnar eru að gera tillögur til sveitarstjórnar um stefnu í skipulags- og umferðarmálum og hafa eftirlit með að stefna sveitarstjórnar á hverjum tíma sé haldin. Ennfremur að hafa forræði í skipulags- og umferðarmálum í sveitarfélaginu í samræmi við gildandi lög og reglugerðir hverju sinni auk þess að vera sveitarstjórn til ráðuneytis í skipulags- og umferðarmálum.

Viðfangsefni nefndarinnar eru:

- -að fara með verkefni samkvæmt skipulagslögum og reglugerðum og samþykktum sveitarstjórnar og fylgjast með að ákvæði þeirra séu haldin.
- -að hafa forgöngu um gerð skipulagstillagna og fjalla um þær tillögur og athugasemdir sem nefndinni berast
- -að gera tillögur til sveitarstjórnar um gjaldtöku vegna gjaldskyldrar starfsemi sem heyrir undir verksvið nefndarinnar.
- -að fjalla um umsóknir um leyfi til verklegra framkvæmda
- -að hafa umsjón með samkeppnum um skipulag, skipun dómnefnda og úrvinnslu

á tillögum.

- -að fara með verkefni umferðarnefndar samkvæmt umferðarlögum og vinna að bættu skipulagi umferðarmála.
- -að leggja mat á þá þjónustu sem veitt er á vegum sveitarfélagsins í skipulagsmálum með tölulegum upplýsingum og könnunum á meðal íbúa. Einnig að fjalla um þær kvartanir sem berast vegna þjónustunnar.
- -að fara yfir tillögur forstöðumanna að fjárhagsáætlun hvers árs hvað varðar þá liði sem falla undir verksvið nefndarinnar og gæta þess í ákvörðunum sínum að halda áætlanir þegar að framkvæmdum kemur.
- -að vinna að öðrum þeim verkefnum sem sveitarstjórn felur nefndinni á hverjum tíma.

## **II. Kafli** **Starfsmenn, fundir og starfshættir**

### **4. gr.**

Skipulags- og byggingarfulltrúi er starfsmaður nefndarinnar. Hann undirbýr og boðar fundi nefndarinnar í samráði við formann og annast ritun fundargerða, nema nefndin ákveði annað. Skipulags- og byggingarfulltrúi hefur málfrelsi og tillögurétt á fundum nefndarinnar. Skipulags- og byggingarfulltrúi sér um að framfylgja ákvörðunum nefndarinnar, eftir atvikum í samráði við sveitarstjóra og þegar sveitarstjórn hefur staðfest þær. Nefndin fundar með reglubundnum hætti í tengslum við fundi sveitarstjórnar eða eins oft og þörf er fyrir og verkefni kalla á. Skyrt er að boða til fundar ef meirihluti aðalmanna í Skipulags- og umferðarnefnd æskir þess.

### **5. gr.**

Til fundar telst löglega boðað hafi allir nefndarmenn eða varamenn í forföllum aðalmanna svo og aðrir sem seturétt eiga á fundinum verið boðaðir með a.m.k. tveggja sólarhringa fyrirvara og þeim jafnframt greint frá dagskrá fundarins. Að jafnaði skal boðað til funda með skriflegu fundarboði og því skal fylgja afrit þeirra erinda sem til umfjöllunar eru. Komi upp mál sem krefst skjótrar úrlausnar Skipulags- og umferðarnefndar getur fyrirvari um fundarboðun verið skemmri.

### **6. gr.**

Ákvarðanir Skipulags- og umferðarnefndar taka formlega gildi við staðfestingu sveitarstjórnar. Nefndin skal vinna á grundvelli markmiðssetningar sem sveitarstjórnin setur hverju sinni. Skipulags- og umferðarnefnd getur enga samþykkt eða ályktun gert nema meirihluti hennar sitji fund. Tillaga fellur á jöfnum atkvæðum.

### **7. gr.**

Starfshættir nefndarinnar eru í samræmi við staðfestar samþykktir um stjórn sveitarfélagsins Rangárþings ytra. Rita skal fundargerðir nefndarinnar í sérstaka fundargerðarbók eða tölvuskra þær skv. gildandi reglum sem sveitarstjórn setur. Í fundargerð skal skrá hvar og hvenær fundir eru haldnir og hvenær þeim er slitið. Allar tillögur sem fram eru bornar skulu skráðar svo og samþykktir og ályktanir Skipulags- og umferðarnefndar og skulu allir viðstaddir undirrita fundargerðina

### **III. Kafli**

#### **Gildistaka**

#### **8. gr.**

Erindisbréf þetta byggist á ákvæðum sveitarstjórnarlaga nr. 138/2011 um verkefni sveitarfélaga og starfsemi nefnda á þeirra vegum og stjórnsýslulögum nr. 37/1993.

**Erindisbréf þetta hefur verið samþykkt af sveitarstjórn Rangárþings ytra þann 9. desember 2015 og tekur þegar gildi.**